


Biblia alang sa Kabataan motanyag

Si Jesus ug si Lazaro



Gisulat ni: Edward Hughes

Gihulagway ni: Janie Forest
Alastair Paterson

Gipahaom ni: Ruth Klassen

Gihubad ni: Mel Lorell Abugho,
Cheryn Mabano Abugho

Gipagawas sa: Bible for Children
www.M1914.org


©2024 Bible for Children, Inc.

Pagtugot: Mahimo kang mokopya o mopatik niini
nga estorya, ayaw lang ibaligya.

Si Maria ug si Marta nabalaka kaayo. Ang ilang
igsoon nga si Lazarus nasakit - nasakit
ug maayo. Ang mga igsoong
babaye nahibalo nga si
Lazaro basin mamatay
dayon. Gipatawag nila
si Jesus. Kay gimahal
niya kining gamay nga
pamilya gikan sa
Betania.



Sa pagkadungog ni Hesus bahin kang Lazaro, giingnan niya ang iyang mga tinun-an, "Kini nga sakit dili matapos sa kamatayan." Bisag daghang milya ang gilay-on ni Jesus, nahibalo Siya kon unsay mahitabo kang Lazaro.



3

Si Hesus naghawat ug duha ka adlaw sa wala pa mogikan paingon sa Betania. Unya may gisulti Siya nga nakapalibog sa Iyang mga disipulo. "Patay na si Lazaro. Nalipay ako nga wala ako didto aron motuo kamo." Unsay gipasabot niining talagsaong mga pulong? Unsay plano na buhaton ni Jesus?



4

Sa pag-abot ni Hesus sa Betania, upat na ka adlaw nga patay si Lazaro. Ang iyang lawas, nga giputos sa mga sapot sa lubnganan,

anaa sa usa ka samag-langob nga lubnganan.



5

Si Marta miadto sa pakigkita kang Hesus. "Ang imong igsoon mabanhaw pag-usab," miingon si Hesus. "Nahibalo ako - sa pagkabanhaw sa katapusan nga adlaw," mitubag si Marta.




6

Naghunahuna siya nga kinahanglan niyang maghulat hangtod sa katapusan sa panahon aron makita pag-usab si Lazaro. Apan may gipasabot na lain si Hesus.



7

"Ako mao ang pagkabanhaw ug ang kinabuhi," giingnan ni Hesus si Marta. "Kadtong motuo Kanako mabuhi bisan siya mamatay." Si Marta mituo kang Jesus. Nasayud siya nga Siya ang Anak sa Dios. Apan unsaon man Niya pagtabang ni Lazaro?



8

Ang tanan nasubo tungod kay si Lazaro namatay. Ang iyang igsoon nga si Maria naghilak. Mao usab ang iyang mga higala nga misulay sa pagpahupay kaniya. Si Hesus mihilak usab.



9

Si Jesus miadto uban sa mga tawo ngadto sa lubnganan. Usa ka dako nga bato ang gibutang sa atbang sa pultahan.




10

"Kuhaa kining bato," misugo si Hesus. "Ginoo," mitubag si Marta, "kay karon panahona baho na siya, kay upat na ka adlaw nga namatay siya."



11


Sa sugo ni Hesus gikuha sa mga tawo ang bato. Ug unya nag-ampo si Hesus sa Iyang langitnong Amahan. Hapit na unta maghimu ug milagro si Hesus nga dako kaayo nga ang mga



12

tawo makahibalo nga Siya gipadala sa atong Ginoo.


"Lazarus!" Misinggit si Jesus. "Gawas!" Ang mga tawo mitutok ug maayo sa langob nga natinga. Mahimo bang buhion ni Hesus ang usa ka patay



13

na nga tawo?

OO! Si Lazarus migawas sa langob, nga ang tanan naputos sa patay



14

na sinina-BUHI!

"Buhie siya,"
miingon si Hesus.
"Pasagdie siya."



15

Pagkadakong kalipay ang nahitabo! Ang mga luha nahimong katawa. Gituman ni Jesus ang Iyang pulong. Nabuhi pag-usab si Lazaro. Ang Anak lamang sa Diyos ang makahatag ug kinabuhi sa



patay
nga
tawo.

16

Daghang mga tawo nga nakakita niini nga milagro na mituo kang Jesus. Apan ang uban gitaho Siya ngadto sa Iyang mga kaaway - ang mga lider sa templo.

Pangabugho ang giplanohan para patyon si Hesus. Sa dihang nakahibaw si Hesus niini Siya nilakaw kadiyot.



17

Si Jesus ug si Lazaro

Estorya gikan sa Pulong sa Dios, ang Biblia,

makita sa

Juan 11

"Ang pag-abot sa Imong mga Pulong nagahatag og kahayag." Salmo 119:130

18

Ang Kataposan

52



60

19

Kini nga estorya gikan sa Biblia nagasulti kanato bahin sa kahibulongan nga Dios nga nagbuhat kanato ug gusto Niya nga kita makaila Kaniya.

Nahibalo ang Dios nga nakabuhat kitag daghang daotan. Gitawag Niya kini nga sala. Kamatayon ang silot sa sala. Pero nahigugma pag-ayo ang Dios kanato. Iyang gipadala ang bugtong Niyang Anak nga si Jesus aron mamatay sa Krus ug silotan tungod sa imong mga sala. Unya nabanhaw si Jesus ug mibalik sa Langit! Kon motuo ka kang Jesus ug mohangyo nga pasayloon ka sa imong mga sala, himoon kana Niya! Moanha Siya ug mopuyo sulod kanimo karon, ug mopuyo ka uban Kaniya hangtod sa kahangtoran.

Kon motuo ka nga kini ang tinuod, ingna ang Dios: Ginoong Jesus, ako nagatuo nga Ikaw Dios, ug nahimong tawo aron mamatay alang sa akong mga sala, ug karon Ikaw nabuhi pag-usab. Anhi sa akong kinabuhi ug pasayloa ang akong mga sala, aron mabag-o ang akong kinabuhi karon, ug unya makig-uban ako Kanimo hangtod sa kahangtoran. Tabangi ako nga motuman Kanimo ug magkinabuhi alang Kanimo ingon nga Imong anak. Amen.

Basaha ang Biblia ug pakigsulti sa Dios kada adlaw! Juan 3:16

20